




33852

Mag. St. Dr.

P

Festag. 1270.

Przewoski Francisci: Immortalis munificentia
Andreas Olosowski, Episcopi Culmensis et Po-
meraniae.



50.
IMMORTALIS
MVNIFICENTIA

ILLVSTRISSIMI
& REVERENDISSIMI DOMINI,

D. ANDREÆ
DE OLSZOWA
OLSZOWSKI

Dei & Sedis Apostolicæ Gratiâ
EPISCOPI CVLMENSIS & Pomeſaniæ
Regni Poloniæ PROCANCELLARII,
Abbatæ Andreiouiensis Administratoris Perpetui:

D V M

Bibliotheca Vniuerſitatis Cracoviensis
Cum Solenni applauſu

R A R O E X E M P L O
Communi Muſarum Alumnorum Vſui
A P E R I R E T V R.

Anno Incarnati Verbi 1671. Die 13. Maii
celebrata.

=====

C R A C O V I Æ,

Apud M. Iacobum Mościcki S.R.M. Typ.

W

IN GENTILITIVM INSIGNE.
ILLVSTRISSIMI
ET REVERENDISSIMI DOMINI



Victrices numerabit Iagellonia Pallas
Palmas, innitens FALCIBUS atq; Cruci
OLSZOVII, cui de fortuna, prospera messis,
In fructum patriz, grandeq; subsidium.



ILLVSTRISSIMO AC REVERENDISSIMO
D O M I N O,

D. ANDREÆ,
OLSZOWSKI.

Dei & Apostolicæ Sedis Gratiâ,
EPISCOPO CVLMENSI, & Pomesaniæ,
Regni Poloniæ PROCANCELLARIO &c.

Domino Meccœnati ac Patrono Munificentissimo.

P Udor & Reuerentia Tui
Magni, inter Nomina Polo-
niarum Oraculi, exilem sua-
delam meâ, inter Vmbras
Palladias morabatur: ne protinus ILLV-
STRISSIMO TVO obtutui sisteretur,
quæ pridē Tuam incurrere censuram am-
biebat, ILLVSTISSIME ANTISTES. Erube-
scebat nimirum inconditâ, incomptam ué
for-

formam suam, cultissimo inter Oratores,
Sapientissimo inter Senatores Oratori,
Senatoriq; considerandam exponere. Re-
uerebatur illam Maiestatem Tuam, quam
Summi in terris mortalium Pontifices, Au-
gustissimi Cæsares, Serenissimi Reges a-
mant intensius, obleruāt impensius, extol-
lunt decentius, grauem felicitatem, singulares virtu-
tes, veluti gemmas & adamantes in annulo penitus ad-
uertentes. Vicit nihilominus pudorem, obligata Ti-
bi æternum gratitudo Academica, timorem, pronus
in Tuum amplissimum honorem affectus. Dabis igi-
tur veniam. ILLVSTRISIME PRÆSVL
Sinceritati Academicæ quæ suos Tibi abditos propa-
lando affectus, Magnum Nomen Tuum, cum modi-
ca hac suada aggreditur, veneraturq; vt maximum,
rebus suis compressis aucupetur solamen & fulcimē-
tum: id poscit, id precatur.

ILLVSTRISIMÆ AC REVERENDISSIMÆ

DOMINATI: TVÆ.

Supplex Encomiastes,

M. FRANCISCVS PRZEWOSKI.

Philosophiæ & Medicinæ Doctor, Collegæ Maior.



ORATIO

Optimi mortalium non minùs altissima, quàm immortalitatem cupiunt: A. A: nec aliud insatiabiliùs parant, quàm perennem & prosperam sui memoriam, cum cætera sibi statim adsint; atq; nullum ad præclara facinorà magnis mentibus efficacius calcar est, præter Nominis æternitatem, quã vitæ labilis breuitas, & modicus tractus creditur resarciri, memoria inter posteros firmata abundè comparari, decus, famæ cuius desiderio virtutes ipsæ desiderantur, non dubiè acquiri, teneriq;: Benè quocirca ac sapienter Romanus Orator: Trahimur omnes æternæ laudis studio, & optimus quisq; maximè glorià ducitur. Ecquod porro excelsi animi indicium promittere consuevit præter contemptum vitæ præsentis, & sollicitam curam, anxiam mentem, indefessum conatum circa adipiscendam gloriam nunquam morituram? Multis equidem gradibus, distinctis passibus, ad tantæ felicitatis fastigium properatur, & ascenditur: hi cum cruento Marte per strata hostium cadauera, subiugataque regna in eam feruntur, vel ferri satagunt altitudinem: illi molliori tramite per congestas auidiùs fortunas, per fastum & tumentes spiritus, per fumosas maiorum ceras, & per indignam in absentia virtutum, dignitatum ambitionem, ad similem verticem pertinaciùs nituntur: quorum omnium seu prudens studium, vt **Herculis & Achillis apud Græcos, Quirini apud Romanos:**

20.
nos: seu insana imprudensue Heliogabali, Herostrati, Libonis, Mindyridis contentio, arrideant cæteris: mihi fas interea sit, benèq; sufficiat in referenda hodie Sapientia Academica, per inauditam in Oris Sarmaticis munificentiam ILLUSTRISSIMI AC REVERENDISSIMI DOMINI, D. ANDRÆ OLSZOWSKI EPISCOPI CULMENSIS, Regniq; Poloniarum PROGANCELLARII inter meritos Dignissimi: fas inquam sit, in aperienda Bibliotheca Almæ Vniuersitatis Nostræ, approbare, solam in literis munificentiam, indeuium iter esse ad immortalitatem, certè capeffendam. Vos igitur literarum & per has, immortalitatis Studiosi Auditores, date ad præsens aurem benevolam dicturo, & grande NOMEN OLSZOVIANVM celebraturo.

Principes in star Deorum, à mortalium conditione exemptos, inter vel vltra ipsa resedisse astra, quanquam alta sapientiæ oracula confirmant affatim, res tamen docere luculenter non intermittit. Enimverò sublimis eorum Maiestas ac potestas, ingens splendor, & penetrans animos, etiam de longinquo venientium horror, accessus, aditusq; non omnino patens, & armata circumstantium multitudo, quid nisi Diuinum & quoddam immortalis generis, ostentat argumentum? quid nisi diuifum vniuscuiusq; Principis imperium cum Ioue, loquitur? Hinc Romani & Græci vix homines à Dijs distinguentes, imò cum diuinis mortalia confundentes, Regibus & Imperatoribus suis diuinos adstruebant titulos, diuinos & honores, victimas, suos per Flamines, ritu solenni litando, delubra opere magnifico, sumptibus publicis, & assensu, artificio non vulgari, nomini eorum decoriq; construendo. Hinc Magnum Macedonem ab Ioue, Ammonio, Romulum à Marte bellatore, hoc est immorta-

li de genere natos prognatosuè, & fictæ insertos diuinitati, passim Poëtæ, Marones, Horatij, Nasones; tum Historici Liuij, Taciti, Flori, Curtij alijq; noua & antiqua memorantes, more assentantium referunt copiosè, tanto cum fidei dispendio, quanto cum assentationis studio. Exstinctis enim illis, quibus hæc sacra condebantur, veritas nulla, diuini eorum commercij illuxit superstitibus, immo post ementitam apotheosim, rogos vel tumulus mortales in fide mortalium adstruebat. Neq; tamen pleriq; vel toti illustres animi ad sepulchrum & cineres per fata trudentur, deijciunturq;: magnam sanè partem eorum, idem Sarcophagus comprehendere, idem fatalis lapis obruere non valet. Veniunt venientque multi, aut pauci in firmam immortalitatis possessionem, nec alio tutiori tramite, ampliori itinere, securiori viâ, nisi illâ solâ, quam aperuit, patefecit, triuitq; sibi larga multum & munifica dextera. Hanc ad æternum nomen, hanc ad quandam diuinitatem participatam, Ducem infallibilem quis negabit? hanc legitimam apotheosim, quâ non tantum post rogam & cineres, sed ante supremum diem in vita nimirum, in sua maiestate fulgentes donantur & accumuluntur Principes virtutibus viri. Quo tamen illi tempore, quâ ætate, quo lustro magis digni Deorum immortalium loco habentur? quam cum literatis largam aperiunt dexteram. Deus immortalis est, Sapientia est, amat sapientiam & fauet maximè sapientibus. Ad Deum utiq; accedunt proximè sapientiæ Fautores, Protectores, Mecænates. At quomodo? & quibus gradibus? benefaciendo literis: his porro medijs, ardore famæ nullatenus emorituræ passim æstuans aliquis æternum clarescere, æternum à posthumis memorari, celebrari, diuinitati adnecti fir-

20
miter potest. Hæctora quis nosset hodie? nisi erudito
Pœtarum & Historicorum calamo non moriētium per
famam, ordini fuisset illatus. Impiger, magnanimusq;
Achilles ruderibus dirutæ Troiæ obrutus, in postera de-
lituisset obliuione, nisi cum doctæ Camænx non insipi-
entis Homeri à mortalitate vindicatum, donassent im-
mortalitate, ad cæterorum vsq; inuidiam heroum, vel
propterea ad suum tumulum illachrimantium, quòd
tantum præconem suorum præclare gestorum nactus
fuisset. O stupendam literarum pennam! quæ præ-
clara illustrium virorum facinora, non ad astra mo-
do fert, sed effert ad ipsam diuinitatem, an æter-
nitatem? Felix sanè! beatus sanè! dubio procul, adu-
latione procul, cui tanti per munificentiam obuenē-
re, ad decus perenne baiuli. Felix quod in letheis vn-
dis nunquam demergetur: Beatus quod euanescentem
supergressus vitam, æterna censebit lustra. Neque ve-
rò tantæ felicitatis Nostra ætas sterilis est, vel in vnico
(& maius inde pretium constat) ILLVSTRISSIMO AC
REUERENDISSIMO DOMINO, D. ANDREA OLSZOWSKI Re-
gni Poloniarum PROCANCELLARIO. Comuni ILLV-
STRISSIMVS fruitur aurâ, sed famâ præcipuâ: mortale
animo suo præcelso & ad sublimia destinato, struxit na-
tura domicilium; sed non morientes vnquam laudes,
victuros in æuum, prosperrimi NOMINIS OLSZOVIANI
cultores, non modica liberalitas prouidit: eò decentius,
quòd hodie hac scilicet literarum tempestate, non vnus
Pætus Thrasea, plures Prisci Heluidij, ob solam erudi-
tionem Academicam, cultumq; studijs in Regno Sar-
matico libèrrimis impensum liberiùs, ad seruitutem &
iugum solis barbaricis imponendum ceruicibus indignè
trahantur, omnesq; verioris & purioris Sapientiæ Pro-
fes-

fessores, vel solo nomine infames, omnis bona ars ignorantia, omne clarissimum ingenium innocuè dicitur, publicaturq; peruersum. Infandum! quod tam sæua & infesta infontibus & egregijs artibus obuenerunt tempora, quæ libertatem nitoremq; Musarum, eò præstantiorem, quò antiquiorem, & conscientiam literatorum tollere abolereq; toto nisu, toto conatu, omni studio & viribus adnituntur, obruto scilicet virtutum non personatarum, & scientiæ non vulgi sensibus accommodæ, viuo fonte: ne forte, quidpiam honesti, aut recti, liberi, aut Regno commodi, in Regno liberrimo amplius occurrat. In hac dolenda Studiorum honestissimorum iniuria, in hac Reipub: literariæ vix imperio Domitiani audita vicissitudine affulsisti. ILLUSTRISSE AC REVERENDISSE PRÆSVL, quem iucunda recordatione & grato animo refero, optimè strenuus & maximè munificus, Iagelloniarum literarum vindex, planeq; solus Assertor, verè à Superis nostra ad solatia in acerrimo luctu, ad opem in miserando conflictu immissus, vt firmiter iam à TE erecti & recreati credamus, ægrè iam nobis ipsis præ hac, quâ nos cumulas felicitate constantes. Nunc demum cum TVA ita prædicanda, vt rara vbiuis terrarum largitione, & memorando amore in Academica studia, redit nobis pristino Iagelloniæ Palladis cultui addictus deuotusq; animus, nec spem modò ac votum reddituræ, comite libertate securitatis, Alma Vniuersitas Nostra; verum ipsius voti fiduciam ac robur assumit: ascendente videlicet ad supernum cum triumpho Capitoliū, Supremo Eerebi victore DEO HOMINE, TVA ILLUSTRISSE ANTISTES Gentilitia Crux victoriæ triumphiq; indubitatum Symbolum, & tessera, certo afflictis, & planè prostratis rebus nostris, omine affulget, e-

xoriturq; docendo æquissimam causam nostram, methodo Constantini Magni, in hoc signo victuram, in hoc triumphos acturam. Equidem non pertimescemus amplius invidentium aculeos, insectantium spinas, Gentilitiæ quippe FALCES TVÆ in Cælesti pænè non fabulosi Vulcani officina fabricatæ, ad rescadæ quævis, bono publico imminetia aduersa, vniuersas Musis Iagellonijs impendentes iniurias, machinationes, succident, prosterrent, flammæq; expiandas dabunt, non minus amœno quàm optato; & fortunato Musis tempore verno, quo omnem in Parnasso Academico nasci, pullulare, in altum surgere, atq; maturescere augustam felicitatem facient, nouo & succesuræ ætati, laudabiliter imitando exemplo. Non dispar fanè beatitudo Almæ Matri Nostræ Academiæ atq; Matri omnium Ciuium Patriæ, à TVIS GENTILITIIS Armis obuēnit. Vtriq; cespitanti salutarem porrigis dexteram, vtramq; erigis & firmas sapientissimè, solaris efficacissimè, recreas saluberrimè: ab vtraq; non leue præmium laudis, atq; æternæ gratitudinis, grato de pectore accepturus. Diuus ipse IAGELLO, nunquam sine profundo suspirio, & in explicabili iucunditate nostrorum animorum memorandus, horum studiorum in Orbe Sarmatico Author, Magnæ TVÆ fortunæ adiiciet maiorem, quanquam præ manibus iam tenes Maximam, vel solo eiusdem Diui Regis omine. Cum etenim sceptræ Academica, raro inter paucos fauore fulcias, & integro simul decori Diadematis Regni, morem gerens Argi vigilantissimi, impensius studeas; omnem idcirco à Superum Repub: mereris prosperitatem, omnem ab eis in TVAS partes vocas immortalitatem, ac eò firmius, quò promptius in Rem literariam non desinis exercere liberalitatem, quæ etiam sola in-

tan-

tanta TVARVM virtutum frequentia, ad summam TVIS
 Magnis Conatibus sufficeret felicitatem, nisi ad angusta
 Natus, etiam à censu virtutum malis proscribere angu-
 stiam. Quamdiu enim literæ viuent, viuent autem æ-
 ternum, tam diu liberale NOMEN OLSZOVIANVM durabit
 per æuum, nec intra folius Poloniæ limites consistendo,
 verum vltra Tiberim Romanum, vltra Baleares insulas, vl-
 tra Gangē Indorū, ad quasvis gētes longinquas moribus,
 locis, & vndis discretas, gloriose penetrando, TVÆQUE
 Mētis præcelsæ amplitudinem extollendo, vnâ cum in-
 signi Suada TVA cuius particulam, seu fragmentum sua-
 uiter hic infero, vt ex vngue leo, ex police gigas noscatur:
 quanquam Styli TVI, & de TE magnitudine comple-
 bis nationes, & ætates non modicas. Præstantium & Magnis
 rebus inclitorum Regum hæc cura, conatusq; semper fuit, vt literas &
 literatos impensè amare, complecti benevolentia, ac velut in sinu foue-
 re, pro Magnifico & Regio censerent. Neq; frustra: nam quidquid in
 excelsa fortuna, & Regia purpura dignitatis splendet, nisi beneficio erudi-
 torum ad famam orbis, ad posterorum memoriam prouehatur, ætatem non
 feret, citò & facile vanescit. Amplum & illustre decus vestrum est,
 Academici Viri, quod cura, tutelaq; Regum semper fuerit, vestram
 primariam foundationem, maiora incrementa, felicem tot sæculis statum,
 Regia Gratia, & Clementia debeatis. Ne longius excurrat sermo, hæc
 literarij Regni Sceptra, hos eruditionis Colossi, immortalitatis Pyrami-
 des, Studiorum Herculeas columnas, bicipitis Parnassi vertices, animan-
 tes Mercurii Virgulas, à Paterno Maternoq; eius Maiestatis sanguine,
 Academia Cracouiensis & Zamoscensis donum accepistis. Hoc sibi ve-
 lut hereditate relictum putat Sacra Regia Maiestas, vt Academiam
 Cracouiensem unicam Regni Scholam, & non vano Sorbonico è Regum
 Gallia titulis deriuato elogio, Primogenitam Regum Poloniæ, dignissimam
 Regiæ curâ, & in afflictio statu, valida protectione existimet. Commoda-
 bit Gentilitia eius Maiestatis Luna peruigilibus studiis, & lucubrationi-
 bus vestris inextinctum fulgorem. Regia Stella Musis Vestris amica;
 nunquam imminuta claritate splendet. Exit pro pignore, & velut fæde-
 re, non mutabilis, sed in plenitudine fulgentis Luna, non errantis, sed fixæ
 Stella, certi videlicet, & constantis erga Academicam affectus Regia dex-
 C2 tera

tera, quam vobis in osculum pacis benignissimè offert Sacra Regia Maie-
stas. Ita TV ILLVSTRISIME suauiter, ita nervosè, ita pru-
denter, vt pote Oraculum Polonæ Maiestatis, respōsum
dedisti salutanti, Sacram Regiam Maiestatem, Acade-
miæ Nostræ: imò TVÆ, quam affectu verè Paterno in
TVVM pectus, omnis sapientiæ Sacrarium, induxisti pri-
dem, inductam foues peramanter, protegis fortiter, vt
hac non communi opera, sublimem animum à commu-
ni vindices corruptione, cum TVAM circumspectam
semper non fugiat consciētiam, durabile non esse, quid-
quid Musarum contemptu nititur provehi ad peren-
nitatem. Magnifica, cæloq; minantia æquali arte ac
sumptu, exstruit quispiam per studiū Neronis, palatia?
aliquot tantum sæculorum molitur opus, imò si ferro
aut Vulcano libuerit, vna die corruet, quod multis annis
plurimæ struxere manus. En vbi stetere Memphiticæ
Pyramides, vbi stupenda Semiramidis mænia, vbi ther-
mæ Neronianæ, vbi demum superbum Ilium: ibi in-
gentes syluæ effusis arboribus, horridam fouent solitudi-
nem, ibi flauæ fluctuant aristæ, ibi fæda spectatur vligo.
Fortè Pelopidæ genio meditatur aliquis castra? & soli-
tarium Martem absq; Socia Pallade, authorē famæ per-
petuæ sollicitè sibi conciliat? Credat Politico, inania hæc
& vento instabiliora proponi cogitariquē. Gotthorum
Vandalorumq; tot fortia, tot illustria facta, in tenebris
latent, quòd sibi literæ lumen non accendissent: Vix
aliqua, bonâ fide, ab hostibus celebrata ad nostram ve-
nerunt notitiam. Opibus affluere, vt Crassus, illicitas ra-
pere voluptates, vt Iulius Valens cum desidibus animis
satagit quisquam? vt vel ab ipso Plutone, non per Apol-
linem ad non labilem posterorum prouehatur memori-
am? Scelestus est, nec infamiâ carebit, ad excelsa vola-
bit

58.
minime, turpi depressus, pondere. Inertis ore vulgi
linguâq; procaci assentatium, proprio honori & com-
modo intentorum, fidit ille se in omne æuum iturum?
desipit, & maximè desipit! Fallax vulgus & pessima
adulantium turba, vix inter hodiernos ambitionem,
eius promulgabit. Sola porro eruditorû scripta, tum ad
posteror, tû ad superstites, seu famâ seu infamiâ expedi-
unt; non tã proinde contumelia linguæ etiã solutissimæ,
quàm censura Styli quamvis arctissimi, Lycinijs hoc est
Studiorum Mastigibus, Oforibus, Momis, Zoilis timē-
da est, nec maius Musarum Fautoribus vouendum,
quàm perennis gloria, in fastos æternitatis per doctam
pennam illata, Stylo gratarum Camænarum, æuo du-
rabili impressa. Sed mihi de immortali tractu agen-
ti, ratio temporis protracti habenda, aperiendum quan-
tocyus Academicæ Sapientiæ Palatium, & cum æstu-
ans illius alumnorum amor, desideriumq; plura de li-
teraria munificentia afferri in medium non finit, mul-
tum de hac duce ad immortalitatem, magnarum ani-
marum, sæculis non diebus concedendum: breui enim
morâ circumscribi omnino recusat, cui ipsamet longa
æternitas par & sufficiens est. Macedonico Oratori
de dilecto apud Alexandrum Ephestione nunquam sa-
tis; equidem de Magnifica in Vniuersitatem Nostram
OLSZOVIANA liberalitate nunquam nimis; ita enim
hoc vnico veluti giganteo passu ad summum deuenit
vt antea & profusa cæterorum Illustrium Heroum
munifica opera si non æquarit, certe superarit. Er-
go Generosi Iuvenes bonarum Artium ingenui Cul-
tores, largam in Nos OLSZOVIANAM dexteram, soli
æternitati desponsatam exosculemur promptiùs, cola-
mus profundius, vt pote liberalem infiniti scientiarum

Iagellonarum, thesauri dispensatricem. Extollite impensius, Celebrate vehementius Lechici Adolescentes ILLVSTRISSIMI ANTISTITIS, perfectâ in largiendo scientiam, exinde maximè, quòd sua beneficia apud gratam semper & memorem, totiq; Regno non fucatè & sub specie tantum commodam Academiam Nostrâ collocauerit: quod hoc rectissimum minimèq; deuium iter, suo Maximo Nomini ad perpetuam memoriam, delegerit maturè. Largitio utiq; temerè & intempestiue exercita, accipienti utilis, danti ingloria euenit: pessimè quandoquidem dat, qui non in Patriæ emolumentum suos ingratis largitur thesauros, iis præcipuè apud quos tam diu grata beneficia, quàm diu recentia, instar florum, & qui tum Mecænates celebrant, statuas & colossos eorundem honori erigunt, cum superstites maiora dandi spem auaris faciunt: at vbi munificas manus, tenaces compresserint Parcæ, xstinguitur illico suffocatus inter assentantiū turbam, personatus affectus, vnâ literam Memorix Benefactorū negans post fata, qui pròptus erat ad ponendas Pyramides in vita. Odi ego semper hoc ingratum vulgus, nec de eo plura, ne flagrantia Vestra Eximij Iuuenes morer studia. Adeste iam, adeste, præstantissima Sarmaticæ pubis Magnæ spei agmina, ad fontem Musarum accedite! En Incarnatâ Sapientiâ Duce, Deo Homine, Vobis præco. Sequimini alacres, Magnorū Heroum, Magni Filii, tantarum Gratiarum ex ILLVSTRISSIMA OLSZOVIANA DOMO, in Parnassū Academicū descēdētium Memores & grati perpetuò cultores.

D. I. X. I.

Biblioteka Jagiellońska



stdr0016940

